



22 November 2021
22 November 2021
P.U. (A) 423

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN CUKAI AKTIVITI PERNIAGAAN LABUAN (KEHENDAK BAGI AKTIVITI PERNIAGAAN LABUAN) 2021

LABUAN BUSINESS ACTIVITY TAX (REQUIREMENTS FOR LABUAN BUSINESS ACTIVITY) REGULATIONS 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI AKTIVITI PERNIAGAAN LABUAN 1990

PERATURAN-PERATURAN CUKAI AKTIVITI PERNIAGAAN LABUAN
(KEHENDAK BAGI AKTIVITI PERNIAGAAN LABUAN) 2021

PADA menjalankan kuasa yang diberikan oleh perenggan 21(1)(a) dibaca bersama perenggan 2B(1)(b) Akta Cukai Aktiviti Perniagaan Labuan 1990 [*Akta 445*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Cukai Aktiviti Perniagaan Labuan (Kehendak bagi Aktiviti Perniagaan Labuan) 2021**.

(2) Kecuali bagi peraturan 3, Peraturan-Peraturan ini disifatkan telah mula berkuat kuasa pada 1 Januari 2019.

(3) Peraturan 3 disifatkan telah mula berkuat kuasa pada 1 Januari 2021.

Kehendak bagi aktiviti perniagaan Labuan

2. Suatu entiti Labuan yang menjalankan suatu aktiviti perniagaan Labuan hendaklah mempunyai bilangan pekerja sepenuh masa dan perbelanjaan operasi tahunan—

(a) bagi aktiviti perdagangan Labuan, sebagaimana yang dinyatakan dalam Jadual Pertama; dan

(b) bagi aktiviti bukan perdagangan Labuan, sebagaimana yang dinyatakan dalam Jadual Kedua,

dalam tempoh asas bagi suatu tahun taksiran.

Kawalan dan pengurusan di Labuan

3. Bagi maksud butiran 2 Jadual Kedua, suatu entiti Labuan yang menjalankan suatu aktiviti perniagaan Labuan hendaklah mematuhi syarat-syarat berhubung dengan kawalan dan pengurusan di Labuan seperti yang berikut:

- (a) mesyuarat lembaga pengarah diadakan di Labuan sekurang-kurangnya satu kali setahun;
- (b) pejabat berdaftar entiti Labuan hendaklah terletak di Labuan;
- (c) setiausaha entiti Labuan yang dilantik di bawah Akta Syarikat Labuan 1990 [*Akta 441*] hendaklah bermastautin di Labuan; dan
- (d) rekod akaun dan perniagaan termasuk minit mesyuarat lembaga pengarah entiti Labuan hendaklah disimpan di Labuan.

Peruntukan berkenaan dengan syarikat

4. Bagi maksud syarikat yang dinyatakan dalam Jadual Pertama dan Jadual Kedua—

- (a) suatu syarikat adalah disifatkan berkaitan dengan syarikat yang lain mengikut seksyen 4 Akta Syarikat Labuan 1990; dan
- (b) jika—
 - (i) dua atau lebih syarikat adalah berkaitan dalam erti seksyen 4 Akta Syarikat Labuan 1990;
 - (ii) suatu syarikat adalah berkaitan sedemikian dengan suatu syarikat lain yang juga berkaitan sedemikian dengan suatu syarikat ketiga;
 - (iii) orang yang sama memegang lebih daripada lima puluh peratus saham masing-masing dalam dua atau lebih syarikat; atau

- (iv) setiap dua atau lebih syarikat adalah berkaitan sedemikian kepada sekurang-kurangnya satu daripada dua atau lebih syarikat yang padanya subperenggan (iii) terpakai,

semua syarikat ini adalah disifatkan dalam kumpulan yang sama.

Pembatalan

5. Peraturan-Peraturan Cukai Aktiviti Perniagaan Labuan (Kehendak bagi Aktiviti Perniagaan Labuan) 2018 [*P.U. (A) 392/2018*] dibatalkan.

JADUAL PERTAMA

[Peraturan 2 dan 4]

(1)	(2)	(3)	(4)
<i>No.</i>	<i>Entiti Labuan yang menjalankan suatu aktiviti perdagangan Labuan</i>	<i>Bilangan minimum pekerja sepenuh masa di Labuan</i>	<i>Amaun minimum perbelanjaan operasi tahunan di Labuan (RM)</i>
1.	Penanggung insurans Labuan, penanggung insurans semula Labuan, pengendali takaful Labuan atau pengendali takaful semula Labuan	3	200,000
2.	Pengurus penajaan jamin Labuan atau pengurus takaful penajaan jamin Labuan	4	100,000
3.	Pengurus insurans Labuan atau pengurus takaful Labuan	4	100,000
4.	Broker insurans Labuan atau broker takaful Labuan	2	100,000

